

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog konkurentskog zahtjeva za dostavu ponuda za nabavku roba: „Manometri sa priborom“ – tender br. KZ 109/20 (pozicija 79. iz Plana javnih nabavki za 2020 godinu), zaključuje se:

## OKVIRNI SPORAZUM

Između:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija broj 8, Sarajevo (u daljem tekstu: ugovorni organ), koga zastupa v.d. direktor Aida Pendek, dipl.ing.građ. i
2. **„Hidro-Termo Centar“ d.o.o. Sarajevo**, ul. Kurta Schorka br.11, Sarajevo (u daljem tekstu: ponuđač), koga zastupa direktor Selvedin Alajbegović.

### Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke robe: „Manometri sa priborom“ za koje je proveden konkurentski zahtjev za dostavu ponuda.

Ovaj okvirni sporazum ne predstavlja obavezu ugovornog organa na kupovinu robe od ponuđača, već predstavlja osnovu za zaključenje pojedinačnih ugovora u toku trajanja okvirnog sporazuma. Tokom trajanja ovog okvirnog sporazuma ugovorni organ će zaključivati pojedinačne ugovore u skladu sa raspoloživim finansijskim sredstvima i potrebama ugovornog organa a kojim će se bliže regulisati prava i obaveze za realizaciju ovog okvirnog sporazuma.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

### Član 2.

Okvirni sporazum se zaključuje sa ponuđačem čija ponuda je izabrana kao najpovoljnija nakon provedenog konkurentskog zahtjeva za dostavu ponuda broj: **KZ 109/20**, objavljenog na Portalu javnih nabavki broj: 247-7-1-188-3-328/20 od 16.11.2020. godine.

### Član 3.

Ukupna vrijednost ovog okvirnog sporazuma bez uključenog poreza na dodanu vrijednost iznosi: **8.022,60 KM** (slovima: osamhiljadadvadesetdvije i 60/100 KM).

### Član 4.

Ponuđač, nakon zaključenja pojedinačnog ugovora, obavezan je da naručenu robu isporuči u skladu sa ponudom broj: 082/20 od 01.12.2020.godine, koja je sastavni dio ovog okvirnog sporazuma, a u roku 15 kalendarskih dana prijema narudžbenice, u FCO skladište ugovornog organa u Sarajevu a ukupne troškove isporuke snosi ponuđač.

### Član 5.

Ugovorni organ će plaćanje izvršiti u roku od 60 dana od dana ispostavljanja fakture .

### Član 6.

Odredbe ovog okvirnog sporazuma ne mogu se mijenjati nakon njegovog zaključenja.

### Član 7.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

### Član 8.

Obavještenje o dodjeli okvirnog sporazuma će se objaviti na Portalu javnih nabavki.

### Član 9.

Okvirni sporazum se zaključuje na period od 12 mjeseci od dana zaključivanja okvirnog sporazuma a isti se smatra zaključenim kada ga potpišu obje ugovorne strane.

Ovaj sporazum traje do isteka vremenskog perioda na koji je zaključen ili dok se ne utroše finansijska sredstva po ovom okvirnom sporazumu.

### Član 10.

Ovaj okvirni sporazum primjenjuje se sa danom obostranog potpisivanja od strane ovlaštenih lica ugovornih strana a sačinjen je u 6 primjeraka, od kojih svaka ugovorna strana zadržava po 3 primjerka.

**Ponudač:**

 Direktor



Selvedin Alajbegović

**Ugovorni organ:**

v.d. Direktor





Aida Pendek, dipl.ing.građ.

Broj: 543-13/21

Datum: 29.01.2021

Broj: 56/21

Datum: 29.01.2021